

Protocol no. 51**Sezzüda da lündeschdi, 16 schner 2013 / 19.30 – 00:15**

Preschaints: Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

Pro la fatschenda 433: Il manader tecnic, Christian Poo.

Protocol

Il protocol no. 50 da la sezzüda da marcurdi, als 9 schner 2013 vain approvà.

434 021 FABRICA
Emissiuns da canera ventilaziun Hotel Aldier, charta d'ingrazchamaint dals vaschins A. Overath e M. Koch

Ils manzunats han ingrazchè al Capo ed al Cussagl pel ingaschamaint chi ha güdà a schoglier il problem. La fatschenda es uossa evasa.

436 021 FABRICA
Men Caviezel, construcziun d'ün seguond silo

Men Caviezel piglia recusaziun. Il patrun da fabrica prevezza da plazzar ün seguond silo sper quel existent. La cumischiun da fabrica ha examinà la fatschenda e tilla chattada per buna ed avantman in möd cumplet. Ella propuona d'inoltrar la dumonda in sen positiv al BAB ed in quella basa decid'il Cussagl d'inoltrar quella.

437 86 PROVEDIMAINTE ELECTRIC
Contrat da vendita e proceder da pajamaint in connex culla rait electrica e l'EE

Il vicecapo, Andri Poo, infuormescha sur da seis aboccamaint cun R. Vitalini. Prosmamaing resp. vers la fin da favrer 2013 seguirà il prüm pajamaint al cumün pella surtutta da la rait. La somma s'amunta a fr. 1,993 miu. Sülla fin d'avuost vain fatt'üna valütaziun – in basa dal rendaint da mincha cumün, e lura segua ün seguond pajamaint da l'import restant. Eventualas investiziuns fattas dal cumün vegnan là resguardadas. Il contrat lasupra vain uossa suottascrit.

438 942.503 Stabilimaints possess da finanzas
Stabilimaint Posta Sent, ulteriur proceder

Il Capo ha fat sclerimaints preparatorics a regard l'ir in tschercha da cumpraders resp. d'ün agent d'immobiglias. Il Cussagl discuta sur da las propostas e decida lura da surdar l'incumbensa da mandat al büro Arquint a Scuol.

DIVERSAS SCHEFS

1. Introducziun d'ün shuttle-bus chi maina la glied da la pista Sömmi fin giò in cumün pro las piazzas da l'auto da posta
La scheffa dal decasteri "Turissem", Marianne Werro, preschainta la proposta da la cumischiun pella pista Sömmi, a regard introducziun d'ün shuttle-bus i'l cumün da Sent. Scopo: Las pretaisas dal giast creschan vieplü ed il fat da stuvair chaminar giò dal stip da la stalla dad E. Schweizer fin gio'n Plaz stramantescha a blers giasts, pustüt a da quels d'età plü ota.
Id ais eir avantman ün'offerta. La discussiun demuossa, chi stuvevan gnir scleridas variantas da scumpart da quels cuosts sco. p.ex. ün pitschen inchasch davart da Taxi Guler, inchasch d'üna part dal Turissem resp. eir dals alloggiaders, üna partecipaziun da las pendicularas Motta Naluns.
2. Maestranzas nordicas - forestalas europeicas in Croazia
Il schef da god, Men Caviezel, orientescha: Il sivicultur Mario Riatsch, insembel cul bos-cher, Hannes Pfranger as vaivan partecipats l'on passà a quellas maestranzas e cun amo duos ulteriurs impiegats dal forestal dal Grischun vaivan els raggiunt il seguond rang da las gruppas (bundant 1000 partecipants).
Sün intimaziun da l'uffizi chantunal han nos duos impiegats decis darcheu da far part.
3. Chamonna Marjers resp. chamonnina dal lift
Men Caviezel ha scleri la fatschenda cul uffizi fundiari. Per cha'l cumün pudess vender o regalar la chamonna a las duos societats da paur stuvevan gnir stipulà ün contrat da dret da fabrica cul cumün da vaschins, quai chi nu sta in relaziun culs cuosts e lavur. La plü simpla soluziun ais, cha'l cumün regala la chamonna a las duos societats chi han inoltrà la dumonda da cumpra. Il Cussagl va d'accord in chosa e decida da regalar la chamonna, metta però seguainta cundiziun: Eir otras malgias da nos cumün stuvevan avair la pussibilità da fittanza da quella chamonna.
4. Sala da la chasa cumünala Misoch / cumplettaziun da l'ingluminaziun
Dumeng Jann orientescha chi's ha pretais ün'offerta da la ditta Electra Buin e propuona, davo avair trattà la fatschenda cul manader tecnic, da laschar offerir amo a duos dittas. La discussiun demuossa chi desso amo gnir pretaisas duos offertas da congual davart da l'Arena-Tech e da la ditta Cantieni.

ORIENTAZIUNS

1. Missiva - proget da sanaziun 2013/14 – futur, da l'Ospidal d'Engiadina Bassa
Da quella ha il Cussagl tut cugnuschentscha e tilla chattada per buna.
2. Fotografias our da l'ajer
Üna ditta suottametta pussibilitats ed ün'offerta per cumüns chi vessan interess da laschar far fotografias our da l'ajer. Da quai vegn tut cugnuschentscha, actualmaing nu's fa valair ingün bsögn.
3. TESSVM – Orientaziun supra il bilantsch annual e dal svilup da las sportas
Il respunsabel, sar Leibacher, ha orientà via e-mail. Da quai ha il Cussagl tut cugnuschentscha. Via link – internet ais datta la pussibilità d'exprimer l'opiniun.
4. Società da chatschaders Tardanna / radunanza
Quella ha salvà ultimamaing üna radunanza areg. revisiun dals statüts da l'associaziun chantunala. Il Capo ha eir fat part ed ha lura orientà supra la

fatschenda a regard la pendiculara Piz Val Gronda. El ha muossà via sül fat cha'ls duos cumüns Sent e Ramosch sun in trattativas culs respunsabels e chi's prevezza da dumondar als respunsabels d'examinar ün'ev. translocaziun da la staziun da muntogna.

L'actuar:
Marco Fallet

Il Capo:
Albert Mayer

Las fatschendas nr. 433 / 435 / 439 e 442 nu vegnan publichadas, causa cha quellas suottastan al secret d'uffizi, ingiò chi sun tangats aspets persunals, l'uffizi social obain eir tractandas chi nu sun amo trattadas in möd conclusiv e na decisas.